

Տիեզերքն իմ գրպանում

Անտեսանելի տիեզերքը



Գրաժինա Ստասինսկա
Փարիզի աստղադիտարան

Աստղագիտության սկիզբը

Հնագույն ժամանակներում Տիեզերքի մասին գիտելիքները սահմանափակվում էին այն ամենով, ինչ կարող էր տեսնել մարդու անզեն աչքը: Տիեզերքի այս պատկերը լրացնում էին առասպելներն ու դիցաբանությունը:

17-րդ դարի սկզբին ստեղծված առաջին աստղադիտակը աստղագետներին թույլ տվեց տեսնել անզեն աչքով տեսանելի ամենաթույլ աստղերից մի քանի անգամ ավելի թույլ օբյեկտներ, : Հարյուրավոր աստղեր հայտնագործվեցին և բազմաթիվ միգամածություններ տեսանելի դարձան:

19-րդ դարի վերջին աստղագիտական լուսանկարչությունը թույլ տվեց ավելի խորը ուսումնասիրել տիեզերքը: Կարելի էր մի քանի ժամ աստղադիտակով հետևել օբյեկտին և Նրա լույսը գրանցել լուսանկարչական թիթեղի վրա: Այս կերպ կարելի էր արձանագրել մոլորակների մանրամասները և բազմաթիվ միգամած օբյեկտներ:

3

Անզեն աչքով տեսանելի Բազումք աստղախմբի լուսանկար, որ ստացել է Ուոլի Պաչոլկան: Հյուսիսային Ավստրալիայի բնիկների համար Բազումքը կենդանուների խումբ է, որոնց հետապնդում է դիևգո շների ոհմակը:



Գալիլեո Գալիլեյը Վենետիկի դոջին բացատրում է, թե ինչպես պետք է օգտագործել իր աստղադիտակը (Ջուզեպե Բերտինիի որմնանկարը):



Գալիլեոյի նկարած Բազումքը, ինչպես այն երևում էր Նրա աստղադիտակով, որտեղ



աստղանիշերով պատկերված են անզեն աչքով չերևացող աստղերը:.

Օրիոնի միգամածության առաջին լուսանկարը, որ 1980 թ. ստացել է Հենրի Դրեյփերը 28սմ տրամագծով աստղադիտակով՝ 50 րոպե պահաժամով:

2





Նյուտոնը անցք էր արել լուսամուտի փեղկին և արևի շողը գցել ապակյա պրիզմայի վրա:

Սպեկտրադիտման սկիզբը

1665 թ. Իսահակ Նյուտոնը, այն մարդը, ով հետագայում հայտնագործեց ձգողության օրենքը, ցույց տվեց, որ Արեգակի լույսը կազմված է տարբեր գույներից:

Սակայն երկար տարիներ անցան մինչև աստղագետներն սկսեցին այդ փաստն օգտագործել աստղագիտական օբյեկտների առաքած լույսը հետազոտելու նպատակով:

Սպեկտրը, ինչպես Նյուտոնն անվանեց պրիզմայով տարալուծված լույսը, մեծ քանակի տեղեկատվություն է պարունակում այն առաքող աղբյուրի կազմության, ջերմաստիճանի և խտության մասին:

Երկնային մարմինների առաջին սպեկտրներն ստացվեցին Նյուտոնի հայտնագործությունից ավելի քան 200 տարի անց:

Նա պրիզմայով անցած լույսը ուղղել էր սպիտակ պաստառի վրա, որը ցույց էր տվել ծիածանի գեղեցիկ գույներ: Պաստառի առջև դնելով երկրորդ պրիզման և փոփոխելով դրա անկյունը, նա ի մի էր հավաքել գույները, նորից ստանալով արևի սպիտակ լույսը:



Միգամածության առաջին սպեկտրը, որը 1860թ. ստացել էր


Ջագինսը: Այն ցույց է տալիս երեք պայծառ գիծ:



Մեկ այլ միգամածության սպեկտր, որը

ստացել է Էդվին Ջաբը 1920-ականներին: Այն երևում է աստղային սպեկտրի պայծառ հենքին վերադրված: Դա նշանակում է, որ այս «միգամածությունը» բաղկացած է ոչ թե գազից, այլ աստղերից: Այսպիսի օբյեկտները այժմ գալակտիկաներ են կոչվում:

Լույսի ամբողջ սպեկտրը



Ռենտգենյան ալիքների երկարությունն ավելի փոքր է 1/1000000000 մետրից, իսկ ռադիոալիքներինը հասնում է 1 կմ և ավելի: Տեսանելի լույսն ընկած է 0.4-ից 0.8 մմ տիրույթում, ինչն ամբողջ սպեկտրի աննշան մասն է:

Աստղագիտական պատկերները սովորաբար ցուցադրվում են արհեստական գույներով, որոնք սպեկտրի ոչ տեսանելի մասերը փոխարինում են տեսանելի գույներով:

Երկրի մթնոլորտը թափանցիկ է տեսանելի լույսի, ռադիոալիքների և մասնակի՝ ինֆրակարմիր ալիքների համար: Հեռավոր ինֆրակարմիր կամ ուլտրամանուշակագույն կամ ռենտգենյան ալիքներ դիտելու համար աստղագետները արբանյակներ են օգտագործում:

Անտեսանելի լույս

Լույսը, որը տեսանելի է մարդու աչքի համար, առաքման սպեկտրի շատ փոքր մասն է կազմում:

Լույսը կարող է նկարագրվել ալիքի երկարությամբ: Երկարից դեպի կարճալիք՝ լույսը կազմված է հետևյալ բաղադրիչներից.

- ռադիոալիքներ (սման մեր ռադիոների և հեռուստացույցների որսացած ալիքներին),
- մանրալիքներ (սման այն ալիքներին, որոնցով ուտելիք ենք տաքացնում մանրալիքային վառարանում),
- ինֆրակարմիր ճառագայթում (որ առաքում են տաք օբյեկտները, կարելի է տեսնել հատուկ սարքերով),
- տեսանելի լույս (արևի լույս, լամպեր),
- ուլտրամանուշակագույն (Արեգակի անտեսանելի լույսը, որն արևայրուք է առաջացնում),
- ռենտգենյան ճառագայթներ (կիրառվում է մեր ոսկորները տեսանելի դարձնելու համար).

Որքան ավելի բարձր է մարմնի ջերմաստիճանը, այնքան ավելի կարճ են դրա առաքած լույսի ալիքները:

Պատկերներ անտեսանելի լույսում


Երկնային մարմինները դիտելով «անտեսանելի» լույսում, ինչպիսիք են ռադիո և մանրալիքները, ինֆրակարմիր, ռենտգենյան և գամմա ճառագայթները, աստղագետները կարողանում են ավելի լավ հասկանալ, թե ինչից են կառուցված այդ մարմինները:

Օրինակ, աստղերը միջաստղային փոշու մասնիկները տաքացնում են ավելի քիչ, քան մարդու մարմնի ջերմությունն է: Այսպիսի սառը մարմինները ճառագայթում են հիմնականում ինֆրակարմիր տիրույթում, մինչդեռ 3,000-ից 50,000 աստիճան ջերմաստիճանով աստղերը ճառագայթում են տեսանելի տիրույթում:

Մյուս կողմից, միջաստղային, ինչպես նաև միջգալակտիկ նոսր գազը երբեմն շիկացած է լինում մինչև մի քանի միլիոն աստիճան կամ ավելի: Այն առավել պայծառ է ռենտգենյան տիրույթում:



Սովորեթյակ գալակտիկան՝ հիմնականում ծեր աստղերից կազմված հսկա միջուկային բալջով և աստղերից, գազից ու փոշուց կազմված բարակ սկավառակով, զանգվածեղ գալակտիկա է: Ձախում, ԵՅԱ 1.5 մ աստղադիտակով ստացված դրա պատկերն է տեսանելի լույսում: Աջում, արհեստական գույներով համակցություն. Սպիցեր տիեզերական դիտակով ստացված ինֆրակարմիր պատկերը (կարմիր) վերադրված է Յաբլ դիտակով ստացված պատկերի (կապույտ) վրա:




Գալակտիկաների կույտ Փյունիկում: Դեղինով գալակտիկաների պատկերը վերադրված է Չանդրա դիտակով ստացված ռենտգենյան կապույտ պատկերի վրա, որն ի հայտ է բերում ավելի քան մեկ միլիոն աստիճան ջերմաստիճանով գազի ամպը:



3C273 ռադիոբյեկտի պատկերն ստացվել է VLA դիտակով: 1963թ. Մարտին Շմիդտը ցույց է տվել, որ դրա կենտրոնում շատ հեռավոր կապույտ աստղանման օբյեկտ կա: Դա ի հայտ բերված առաջին քվազարն էր: Հաբլ տիեզերական դիտակով տեսանելի լույսում ստացված պատկերը ցույց է տալիս քվազարից մեծ արագությամբ արտանետված գազի շիթ:

Հաբլ տիեզերական դիտակով տեսանելի լույսում ստացվել է IRAS արբանյակով ինֆրակարմիր ալիքներում հայտնաբերված երկու գալակտիկաների պատկերը: Ինֆրակարմիր տիրույթում դրանք 100 անգամ ավելի պայծառ են, քան տեսանելի լույսում և կոչվում են ԳՊԻԿԳ-ներ (գերպայծառ ինֆրակարմիր գալակտիկաներ): Շատ ԳՊԻԿԳ-ներ ունեն մոտ հարևան գալակտիկաներ և ցույց են տալիս փոխազդեցության նշաններ:



Հայտնագործություններ անտեսանելի լույսում

Տիեզերական որոշ օբյեկտներ բոլորովին անհայտ էին, մինչև աստղագետները դրանք դիտեցին «անտեսանելի լույսում» զգայուն դիտակներով: Ծայրահեղ սառը կամ ծայրահեղ տաք մարմինները հիմնականում ճառագայթում են սպեկտի անտեսանելի մասում և հայտնաբերվել են իրենց անտեսանելի լույսով: Միայն ավելի ուշ, երբ աստղագետներն այդ տիրույթները դիտեցին ավելի խոշոր օպտիկական դիտակներով, որոնք ավելի շատ լույս են հավաքում և ավելի զգայուն են, նրանք վերջապես այդ օբյեկտները կարողացան տեսնել տեսանելի լույսում:


Այդպիսին էին, օրինակ, քվազարները, որոնք հայտնաբերվել էին ռադիոյում, ինչպես նաև գամմա-առաքման աղբյուրներ պարունակող գալակտիկաները, որոնք հայտնաբերվեցին միայն գամմա-առաքման աղբյուրները հայտնագործելուց հետո:



Գրավիտացիոն միրաժ LRG 3-757: Կապույտ օղակը՝ կենտրոնի հսկա գալակտիկայի ուղղությամբ ավելի հեռու գտնվող մեկ այլ գալակտիկայի աղավաղված պատկերն է :

Չանգվածեղ գալակտիկան ու նրա մեջ գտնվող մուլթ նյութը որպես գրավիտացիոն ոսպնյակ են գործում դրա ետևում գտնվող գալակտիկայի լույսի համար: Գրավիտացիայի ազդեցությամբ լույսի կորացումը կանխագուշակել էր Այնշթայնը 1915 թվականին:

Համաձայն ներկա գնահատականների մուլթ էներգիան կազմում է Տիեզերքի 70%-ը, մուլթ նյութը՝ 25%-ը, իսկ մեզ հայտնի Տիեզերքը (գալակտիկաներն իրենց բաղադրիչներով և միջգալակտիկ միջավայրը) միայն 5%-ը:



Մուլթ նյութ և մուլթ էներգիա

Դիտվող Տիեզերքի որոշ բնութագրեր հուշում են, որ գոյություն ունի «մուլթ նյութ» կոչված՝ առայժմ չհայտնաբերված նյութի մեծ քանակ, որը տեսանելի օբյեկտների վրա ազդում է ձգողության միջոցով: Աստղագետները համակարծիք են, որ այս մուլթ նյութը չի կարող բաղկացած լինել ոչ փոքր աստղերից կամ մոլորակներից, ոչ մուլթ ամպերից, ոչ էլ սև խոռոչներից կամ հականյութից:

Չեռավոր գալակտիկաների դիտումներից հետևում է, որ Տիեզերքի ընդարձակումն արագանում է: Ըստ այսօր ընդունված բացատրության, գոյություն ունի այդ արագացումն առաջացնող էներգիայի անհայտ տեսակ, որը կոչվել է «մուլթ էներգիա»:


Այլընտրական որոշ տեսություններ չեն պահանջում մուլթ զանգվածի կամ մուլթ էներգիայի գոյությունը, բայց դրանք պետք է կարողանան բացատրել բոլոր դիտումները, ինչպես անում է ստանդարտ տեսությունը:




Թեսթ



Այս պատկերներից
ո՞ր մեկն է
ստացված
տեսանելի լույսում:



Պատասխանները՝
հակառակ էջում



M31 գալակտիկայի նկարը՝
ստացված ՆԱՍԱ-ի Սպիֆտ
տիեզերանավի
ուլտրամանուշակագույն
դիտակով

3C353
ռադիոգալակտիկայի շիթի
ռադիոպատկերը՝
ստացված VLA-ով:

Կատվի աչք կոչվող
մոլորակածն
միգամածության
պատկերը տեսանելի
լույսում՝ ստացված Հաբլ
տիեզերական դիտակով:

Միջաստղային ամպի
համատեղված
ինֆրակարմիր պատկեր՝
ստացված Սպիցեր
տիեզերական դիտակով:
Կարմիր հանգույցները
աստղառաջացման
գոտիներ են:

Գալակտիկաների էջի
400 կույտի համատեղ
ռենտգենյան (կապույտ)
/ռադիո (վարդագույն)
պատկեր: Շիթը սկիզբ է
առնում կենտրոնական
ռադիոգալակտիկայի
կրկնակի միջուկից:

The Universe in my pocket No. 2

Այս գրքուկը գրել է Գրաժինա Ստասինսկան Փարիզի աստղադիտարանից (Ֆրանսիա) 2017 թվականին և թարգմանել է Հայկ Հարությունյանը Բյուրականի աստղադիտարանից (Հայաստան):

Շապիկին պատկերված է Չանդրա դիտակով ռենտգենյան տիրույթում ստացված Խոր դաշտի մի մասը: Այն պատկերում է հարյուրավոր քվադրանտեր, որոնք գնվում են մինչև 12 միլիարդ լուսատարի հեռավորության վրա:

Այս գրքուկի պատկերները հիմնականում ստացվել են Հաբլ, Սպիցեր և Չանդրա տիեզերական դիտակներով և Շատ մեծ մակերեսով (VLA) ռադիոդիտակով:



Այս շարքի և այս գրքուկում
ներկայացված նյութի մասին ավելին
իմանալու համար կարող եք այցելել
<http://www.tuimp.org>

